



苔岑集

三

19
239
3

館書圖學大田稻早	
號	第
庫	寧
號 269	第
册	第



42
230
3



苔岑集卷八

東吳王鳴盛西莊采錄



廖景文

字琴學號古檀青浦人
丁卯舉人官合肥令

雉子班

雉子班。曷不還。鳳凰之翔九千。仞鴻飛冥冥。不可
彈言。謝王孫免罹于樊。有雌有雛。在山之阿。雉子
之飛。勿相逼。南山之南北。山北。

艾如張

艾而張羅。摧殘奈何。一枝亦可依。日暮胡不歸。翻
翩黃雀已可惜。發弩矢激毛羽赤。哀爾啞啞飢鳥。

啼我欲縱爾不敢飛。艾如張多危機。

烏夜啼

爐烟不裊燭欲滅。魚鱗沉沉曉漏咽。珠簾却上珊瑚鉤。天光月光澹於雪。雪花陰麗。露氣寒。羅衣小。凭紅欄。干悵望。星河風乍起。城烏啞啞啼不已。

秋夜

商氣襲西堂。涼月林梢上。孤檠伴更漏。撫琴愜心賞。澄輝涵夜陰。娟娟露華爽。仰望河漢斜。疎星還朗朗。宿鳥驚微風。落葉振清響。夜深獨鴈飛。叫雲自來往。美人隔秋水。悠然發遐想。雙魚夢未成。虛

帷徒偃仰。愁絕聽寒蛩。苔階聲三兩。

次韵酬陸蒲塘明府

林壑宜清賞。遙從仙館分。笙簫蘭棹雨。書畫竹樓雲。漉酒慣留客。調琴獨數君。藤花開正好。芬馥幾回聞。

次韵酌王岡齡明經

饒有林泉癖。閒憑鷗鷺分。秋銜吳苑雨。春舫鏡湖雲。攬勝寧無地。題襟輒避君。何當聚裙屐。風雅一堂聞。

登細林山

不。于。巉。梯。上。琳。宮。烟。靄。分。屐。穿。高。下。樹。幢。颺。去。來。
雲。細。雨。落。松。子。清。風。嘯。竹。君。山。深。人。不。見。洞。口。晚
鐘。聞。

訪高巢珊明府伴霞留飲卽席次笠夫韵
稻。花。香。裏。叩。門。初。聞。道。神。仙。偶。步。虛。把。臂。一。登。青。
雀。舫。聞。襟。重。過。白。雲。居。味。逾。沆。瀣。尊。中。酒。光。映。琳。
瑯。壁。上。書。良。會。不。嫌。歸。棹。晚。輕。舫。載。月。夜。分。餘。

自題香雪圖

飛。鴻。名。勝。占。當。年。補。入。圖。中。別。有。天。清。影。夢。醒。簾。
外。月。閒。情。吟。破。隴。頭。烟。溟。濛。好。雨。滋。花。逕。淡。蕩。香。

風。拂。醉。筵。爲。憶。故。人。借。索。笑。曉。鐘。敲。動。輒。忘。眠。

其二

風。標。遙。企。隱。君。林。水。竹。清。緣。結。契。深。忽。地。逢。君。香。
惹。袖。當。筵。泥。我。酒。沾。襟。停。雲。想。度。銀。箏。曲。流。水。音。
調。玉。軫。琴。長。願。身。移。香。國。住。和。羹。遮。莫。讓。朝。簪。

和李竹門秦淮紀事

平。生。與。世。別。醜。酸。叔。度。襟。懷。千。頃。寬。酒。罷。一。揮。蒼。
玉。麈。詩。成。九。轉。紫。金。丹。清。歌。當。日。傳。鸚。鵡。舊。院。而。
今。失。綺。紈。惆。悵。多。情。李。俱。奉。曉。風。殘。月。幾。憑。闌。

次韵答張坦菴

烟樹溟濛踪跡稀。遙憐舊雨歎荆扉。秋高玉宇黃
雲。翳水漲銀塘。白鳥飛。三雅不辭陶靖節。五言肯
讓謝元暉。美人休更傷遲暮。懷璧從來知我希。

題金陵雙梧水閣

一榻橫陳倚玉柯。簾紋如水漾清波。龍門百尺凌
霄迥。愛聽秋聲。此處多。

其二

露濯金莖色倍鮮。亭亭雙榦俯晴川。平生心跡清
如許。坐對高吟。月在天。

自支硎寒山歷天平

雲陰山寺石幢昏。輦路風光動客魂。猶憶元人句
清絕。寒梅殘雪。酒香村。

其二

萬笏平天嵐氣昏。昔賢曾此瘞靈魂。分明竹水荷
風際。一枕清酣。到范村。

廖景班 字集勇號羨行青浦人
丙子舉人官榆社令

愜心堂讌集

高齋開綺席。叢菊掩屏紗。拾翠新裁葉。鎔金巧綴
花香。和歌扇動。影傍舞衣斜。判作懵騰醉。藏鈎興
尚賒。

其二
棣萼欣良會。官齋卽我家。新詞翻白雪。艷曲顧紅牙。月映葡萄釀。風迴鸚鵡車。漫愁歌折柳。仔細看黃花。

平梁道中懷汪笠夫

尊酒離亭慰藉勞。別來意緒轉蕭騷。文瀾可似長淮水。春雨平添綠一篙。

題畢花江畫梅小冊

不堪分手便天涯。耐寫幽香意轉加。從此一簾茅店月。勞人清夢到梅花。

舟過楊柳青

天涯芳草繫斜陽。楊柳青青惹恨長。好是去年秋對月。銅槽檀板過橫塘。

廖景明

號吧堂青浦人官偏關令

泰安道中喜晴

薄暮呈新霽。風輕暑氣微。草從水面出。雲向嶺頭飛。牧馬依平楚。歸禽背落暉。停鞭漫吟眺。清露欲霑衣。

都下懷平梁署中沈翠庭汪笠夫諸君

屈指河梁日。寒天星又回。驪歌亭畔柳。芳訊隴頭

梅筆妙。驚堪換音。清鳳欲來。西風頻悵望。遣寂寄深杯。

廖雲龍 字承符號翠崖青浦人貢生

登廬州桂香閣

走馬城東隅。秋風迴林薄。爽氣拂襟衷。澄懷對寥廓。遠岫斂晴光。流雲入虛閣。登臨一遐攬。清商動簷鐸。把菊鬢堪簪。迎風帽欲落。高會良不易。勝遊互酬酢。諸君詞賦才。吟眺氣磅礴。我非王子安。流連自慚作。斜日驅馬返。長堤踏黃籜。遙聞閘水聲。淙淙響泉壑。

浦口

棹歌一曲挂帆行。蘆荻洲前駐晚程。野岸春潮乘月上。亂山殘雪隔江明。三吳樹繞懷人夢。六代城餘弔古情。惆悵舊遊烟水濶。共誰雪涕說平生。

崧塘

孤亭斜矗野烟濃。晚渡歸來憇客踪。白鳥一雙忽飛去。繞隄秋水浸芙蓉。

廖雲魁 字聯杓號斗齋青浦人官福安令

山塘卽目

雨洗秋光淨。峯從海湧來。歌樓分復合。畫舫往頻

香齋集 卷八 六
迴花綺香流髻。燈明影泛杯。臨風賡白雪。璧月與徘徊。

濟寧道中

開程聯轡望京華。得意春光二月賒。絲雨綠侵原上草。輭風紅拂道旁花。廿年壯志懸青漢。一路吟情寄晚霞。行役却從髭鬣慣。肯因聞笛悵離家。

九日偏關登高懷家兄翠嵯次長總戎韵
雄關選勝暫夷猶。極目河山掌上收。鵬勢攫雲邊地濶。霜威殺草塞天秋。茱萸何處堪囊佩。黃菊誰人拌酒筍。不有將軍能愛客。可能一解望中愁。

黃師愚

字維誠號誠齋上海人有酒香山農集

訪友不遇

看竹尋高士。幽居傍水源。豹姿方隱霧。鳳字敢題門。大雅篇章貴。清時布褐尊。歸途淡烟樹。風景暗江村。

舟行納涼贈陳天陶

微風起蘋末。夜氣靜炎氛。夾岸螢穿水。孤洲鷺宿雲。星稀林月白。衣潤露荷薰。物候兼人事。徘徊幾共君。

弔袁山松墓

讀史誇奇勇。臨郊拜野塋。氣雄無盜賊。力盡見忠貞。
老樹盤荒土。殘蘆沒舊城。當時血戰處。猶自起秋聲。

春興

終朝鶯語報春華。陌上泥乾霽色賒。睡起槿籬門外立。午潮入港浸桃花。

卽目

清露涓涓荻葉蒼。涼風颯颯稻花香。閒鷗行止皆隨意。不比飛飛燕子忙。

蔡忠立

字企聞秀水人諸生有蓀完齋集

猛虎行

猛虎在市人不得過。手無利斧奈猛虎何。

對酒行

滿堂罷絲竹。對君發悲歌。丈夫未得志。俗士相譏訶。悠悠誰知已。覲面隔山河。世人重錢刀。擾擾如飛蛾。哀哉蘭蕙芳。空落幽巖阿。時命非所論。貧賤恒蹉跎。滌器臨卽往。抱劍淮陰過。袴下亦暫伏。一飯誠足多。燕雀樂栖食。鴻鵠困網羅。舉酒不能飲。曲罷傷如何。

雞鳴曲

五更殘月落。茆屋聞雞鳴。征人拔劍出門去。行過
長城天始明。城邊白骨覆霜雪。城上吹笳聲哀咽。
誰家擣練作寒衣。一夜悲風傷遠別。

鳴雁行

雙飛入玉關。忽向江南失。前途辛苦事孤征。一朝
生死天涯隔。朝飛湘浦雲。暮宿湘江月。繁霜肅肅
毛羽枯。夜半時聞發鳴鏑。雌雄相失痛無依。哀鳴
感君君不知。

長安道

垂楊繫馬入酒家。酒家女兒貌如花。酌酒勸客歌

聲悲。莫戀繁華久不歸。閨中少婦長相思。君不見
長安道。來時少年去時老。

休洗紅

休洗紅。洗多紅轉白。針線舊時痕。愛好一朝易少
女。紅顏孰不衰。憐新棄故君。何爲。

嚴家相 字說賢
元和人

塘墅新秋夜坐

落葉忽滿砌。影孤對小樓。一燈風雨夜。萬里海天
秋。寒杵催霜急。吟蛩繞砌愁。蕭晨感搖落。我道付
滄洲。

柳巷寓次

相逢少。青眼柳巷。感人深。疎竹先秋意。高槐帶夕
陰。江關多病客。搖落故鄉心。何處催羌笛。離愁暗
不禁。

螢

熠燿星星照草廬。池塘月黑夜來初。前身腐氣三
秋雨。末路清光萬卷書。點水高低穿樹遠。迎風開
闔入簾虛。輕羅小扇休頻撲。野岸空階任所如。

紙鳶

覓得青雲路。何嫌一線非。虛聲傳遞聽。無翼亦高

飛。

菊

幽韻屬陶家。踈枝整復斜。色香淡如此。人說背時
花。

秋日江村

錦裝楹柏雪飛蘆。一幅江村秋晚圖。門掩黃雲香
稻裏。前村時聽喚提壺。

嚴國華

字敏來
元和人

靜怡居次翔凌上人韻

高僧栖物外。彷彿虎谿東。塔影池塘月。鐘聲竹徑

風煮茶烟散碧。掃葉樹翻紅。寂靜煩襟豁。談禪悟
妙空。

重陽前一日送吳蘭坡

踐我登高約。遲君採菊歸。可憐人惘惘。相逐雁飛
飛。岸柳維漁艇。江楓點客衣。蒼茫回首處。悵望易
斜暉。

湖州道中

一棹菰溪畔。新秋風雨斜。煙波平古渡。桑柘暗人
家。詩思寒烟鷺。鄉心野戍笳。道場山忽霽。薄暮亂
飛雪。

登倚雲樓望玉峯

日落山光澹。天空夕照浮。青蒼分疊嶂。平遠入危
樓。獨鳥向無際。孤雲迥不流。憑高臨眺久。暮靄動
人愁。

悼亡弟瑤泉

白雪句誰酬。青雲志已休。十年勤雪案。一夕赴瑤
樓。漫冷姜肱被。空悲宋玉秋。西風吹雁過。斷字寫
離愁。

其二

失意名場日。飄零書劍歸。曾將和氏淚。暗滴老萊

衣問字宗風遠。知音當世稀。西堂殘夢斷。春草自芳菲。

汲古軒對菊

一月成花市。蕭森氣味親。荒齋人意淡。冷圃雨痕新。擬作餐英客。還餘漉酒巾。劇憐霜影瘦。燒燭伴吟身。

遊峴山

艤棹秋風若水清。探幽躡磴破新晴。步隨一徑羊腸合。眼豁千家雉堞平。苔碣尚留蕭寺古。楓林遙帶夕陽明。何緣題遍仙霞塚。逸老空堂懶問名。

桐棉

漫將吉貝入秋看。百尺孫枝點石欄。金井照餘偏耐冷。玉階鋪處欲成團。似隨柳絮春風舞。還勝蘆花夜月寒。堪惜吳宮零落盡。絲絲難補客衣單。

清明日陰雨

東風吹雨綠楊天。冷節江邨半禁烟。寂寞游人春社晚。梨花如雪又今年。

嚴國寶

字瑤泉
元和人

八月十五夜月

此夜長空萬里明。閒階露冷寂無聲。自知情似秋

音學集 卷八 十二
雲薄。強把愁因好月平。紅燭。蠹簾歌一曲。清風孤
館。夢三更。南樓佳興頻相憶。又起胡牀。剔短檠。

金庭芝

字鶴田。號茂堂。寶山人。諸生有閩石山房詩鈔。

折楊柳

渭水青青柳。魂銷驛路前。使人西去日。公子北征
年。秋色當殘壘。寒條極遠天。不堪搖落後。攀折鎮
相憐。

毘陵曉發

茆店鷄初鳴。古寺疎鐘度。解纜趁寒潮。渺渺毘陵
路。推篷望遠邨。朝暾剛半吐。杳杳聞漁歌。烟深不

知處。

渡江

漠漠雲連京口樹。蒼蒼日落瓜州渡。風帆一霎翦
江來。客程遙指金陵路。蘆花蕭瑟隱漁舫。楊柳淒
清起暮烟。六代繁華久消歇。寒潮空到石城邊。

賦得和靖梅鶴呈鱸香姚先生

孤山山畔秋鶴鳴。白露夜警聲。淒清孤山山畔梅
花發。暗香浮動黃昏月。湖山小隱聊盤桓。高風干
古誰能攀。琴書一室供嘯傲。羨君亦結林泉歡。

銅鼓歌

怪底風霆生白晝。耳畔忽作鯨魚吼。洛鐘西應銅
山崩。龍泉匣裏鳴相鬥。夜闌恍惚何所覩。眼中突
兀見銅鼓。星斗闌干芒角寒。風雲慘淡生堂廡。乍
觀舌橋光炫日。徐徐以手捫其腹。小鳴大扣鏗蒲
牢。元海神鼉睡方足。黝潤積鐵堅。璀璨瓜皮綠。雷
回雲紘不可詳。古色萍花綴斑駁。當年萬里南征
轍。吹笛營門千騎列。武溪之水何滔滔。跼跼飛鳶
墮毒熱。是時銅鼓聲如雷。震山殷谷地軸摧。聲纏
八桂雲山裂。氣震五溪波浪迴。嗚呼君不見金仙
墮淚辭漢朝。銅臺又起當塗高。高光事業滅炎井。

沉沙折戟悲孫曹。古來萬事東流水。銅柱功名空
青史。蠻煙瘴雨遍天南。胡不澤車款段歸鄉里。明
珠薏苡謗書加。銅鼓應作漁陽槌。

舟泊龍江懷王硯逸

飄泊龍江口。茫茫烟水平。蝶迷芳草夢。雨落晚潮
聲。支枕悲離緒。推篷悵別情。不逢蘭渚客。愁聽鳥
鳴嚶。

題上白雲寺壁

天半晴雲起。嵐開祇樹林。澗花春冉冉。鐘梵午沉
沉。我亦元栖者。飄然出世心。名藍清絕地。端坐豁

塵襟

錢塘詠古

臨安城郭鎮江開。日暮吹煙畫角哀。堤柳綠遮蘓
小墓。胥山青照越王臺。西泠歌舞都消歇。南渡衣
冠付劫灰。終古幸留嚴瀨水。高風長繞富春隈。

楓橋夜泊

西山一抹暮烟橫。行到楓橋第幾程。胥口潮平帆
正落。寒山寺靜月初明。江間風起搖燈影。夜半鐘
鳴動客情。明日移舟石湖去。白波青嶂兩邊生。

橫塘放舟

江雲漠漠武溪東。此日登臨興未窮。水驛山程通
越絕。鶯啼草長夢吳宮。數聲漁笛踈烟外。幾點樓
臺夕照中。借問片帆何處宿。虎山橋畔樹濛濛。

山塘卽事

平遠山光入望低。綠陰深處亂鶯啼。紅樓暮捲珠
簾雨。行到旗亭認舊題。

其二

閒携裙屐試春風。竹外桃花映水紅。錄曲闌干不
知處。踏青人在淡烟中。

江館秋夕

旅館殘燈正寂寥。寒江落月照歸潮。不知今夜思鄉夢。又過槎溪第幾橋。

其二

耿耿銀河鴈半橫。蛩聲四壁夜淒清。夢回孤榻三更月。燈爇香殘奈此情。

苔岑集卷八

苔岑集卷九

東吳王鳴盛西莊采錄

廖運芳

字楚崖龍南人壬戌進士官知縣有集

田燈

爲祝秋來吉貝登。村郊先辦掛春燈。乍看燭燄千竿起。陡覺星光九陌增。點點樹紅霞燦爛。團團花白雪鬚髯。田神照徹真靈應。勝挾豚蹄列滿塍。

陳

整 字掌平上海人有片石山房集

春江引

春水深。春沙暝。蒲稍青。蘆芽短。泛清漪。櫂歌緩。桃

香雪集 卷九
花鋪繡紅纂纂。垂楊旖旎腰肢軟。一望烟波不可窮。江南江北相思遠。

春隄行

江南三月天氣清。雙橈畫舸掠波輕。夾水盈盈蕭鼓聲。美人如花打槳迎。獨坐春隄泛春酌。柳花撩亂當杯落。水態春心兩迴薄。日暮佳期渺何托。

美女篇

美女出南國。璇閨麗清顏。明矚剪秋水。翠眉象春山。纖纖作雅步。泠泠鳴珮環。羅衣不沾露。香氣若藉蘭。厭作時世粧。舉動禮自閑。莫春三月時。花落

何翩翩。一片入洞戶。含情起長嘆。自嗟容華晚。誰慕雙栖鸞。蹇脩苟不來。幽貞何所患。

前有一樽酒送別

汀洲綠草齊。草綠楊花飛。此時一樽酒。相看慘容輝。離亭起暝色。落日上客衣。相顧未及飲。僮御皆依依。鈍劍不剗物。濁水不鑑形。絲竹雖滿座。離思難爲聽。長歌且莫奏。爲君傾玉瓶。

檢書

小樓兩三架。叢書積其間。閱罷信手擲。雙卷或成鯨。紛紛薪委積。嶙嶙山孱顏。今晨自整理。如手編

茅管州次并部居。甲乙各就班。排籤一廻顧。若陟羣玉山。城鴉尾畢逋。明鏡照銅環。勞以一壺酒。亦用訂吾頑。

觀鬪蟋蟀用昌黎鬪雞聯句韻

么磨秉肅殺。如與敵相待。出盃露牙甲。點漆凝精彩。開鉗先示威。交喙不知殆。毒口勢相當。舞劒意有在。前鬚搖旌旗。後尾持矛鏃。遠隅欲投衡。曲踴得高塏。眼臂競撐突。虎牙爭硯磊。三鼓股或傷。一挫性未改。瑣碎翼破纈。掀翻腹見確。主客地互易。投擲勇逾倍。如逢鄱陽劇。欲致彭越醢。長鳴或矜

雄。失勢氣成餒。敗作沙蟲化。陷比田父給。悍如虎挾乙。觀若市逢亥。資我一笑樂。致汝糜軀罪。在物自相殘。於人定何浼。失聲耻負怯。得雋矜居賄。助戰擲象籌。寓目眩銀海。蠻與觸分爭。此勝彼已怠。草蟲雖微乎。不績真嘉乃。牙籠收精銳。泥盎纏繒絲。時間以翼鳴。聊用當歌凱。罷觀人雜沓。計獲金嶧隗。憶昔半閑堂。嬉遊事庸宰。玩物必喪志。此語良堪採。

遊沉香禪院

夕陽入幽院。法鼓聲清嚴。老僧誦楞伽。擁衲虬髭

髯寶燈發新焰。松子落古檐。是時秋之中。樹杪升
涼蟾。桂輪正端正。如鏡方開奩。須臾設山蔬。品味
清且廉。把醖且細喫。可作梁肉砑。醍醐遂灌頂。美
哉香醪甜。醉眼看風幡。有如颺酒帘。興盡還徘徊。
寒月明衣襜。幽趣浩無極。歸途響更籤。

玉玲瓏石歌

玉華堂前有奇石。莓苔剝蝕蒼烟昏。洪湖衝激凡
幾載。瓊車捆載來。朱門圓勻碾作珠。窩厝嵌空漱
盡波濤痕。嶙峋前列千萬峯。如擁冠劍參至尊。旁
有老人向余說。此地前朝名豫園。潘公築堂奉慈

母。供石聊當忘憂萱。朱欄綠竹映嵐翠。鳳笙龍管
隨魚軒。春風花開秋月朗。鞞鞞自上南山樽。星移
物換滄桑變。烏衣門第成荒村。高臺已傾曲池盡。
巋然此石靈光存。風吹日炙危不落。童敲牛礪誰
復論。我來醉吟坐其下。稍稍自以兩手捫。陳家三
品消劫火。奇章甲乙堆郊原。古來物理有反覆。分
別好醜徒紛繁。摩挲相對一長嘆。閱人無異蝨在
禪。猿啼鶴怨且勿道。惟有石公可與言。

登金山寺次梅都官韵

樓閣疑無地。登臨倚晚曛。濤聲檻前落。帆影坐中

分人踏鼃鼃背。鐘驚鷗鷺羣。猶嫌趣不極。穿塔看江雲。

歸舟晚景

開頭沙鳥驚。極浦晚霞生。貪看三秋色。又拋一日程。渚花迎客放。楓葉醮波明。欲倩荆關筆。多應畫不成。

閒適

鎮日惟清課。心閒一室寬。鈎簾歸燕燕。瀘水灌蘭蘭。拂拭新毫筆。摩挲古墨丸。黃庭新訂就。試寫數行看。

山齋夜宿

脫屣蒼烟裏。扶筇碧澗頭。爲看松際月。行上竹間樓。露洗山容淨。涼生人意秋。坐來不知曙。隔屋已鳴鳩。

遊邢氏宜園

暇日聊尋勝。城南路不賒。鳥啼一欄竹。客看滿園花。習靜何妨奕。閒心或鬥茶。更誰來剝啄。驚起樹頭鴉。

春申浦

滬瀆奔濤到海隅。浮天雪浪壓蓬壺。仙山已笑秦

皇帝流水猶名楚大夫。珠履上賓空曉露。章華遺跡半烟蕪。行人一種供憑眺。祇向湘潭弔左徒。

二俊祠

南金東箭利平吳。八洛才名世所無。一代文章齊吐鳳。千年魂魄怨啼烏。秋風終古鱸魚美。夜月空山鶴唳孤。莫恨當時見機晚。三高遺骨摠荒蕪。

冬日漫興

十笏閒房對雪眠。清寒自漱玉池泉。尋山有約其如懶。得句無心已入禪。積炭火紅蹲怪獸。直櫺風緊叫飢鳶。宵來因見梅稍月。銅井銅坑話舊緣。

遊十方禪院

清溪曲曲遶晴沙。隔岸遙聞粥鼓拋。行到禪房幽絕處。一瓶寒水供梅花。

秋晚

曉夢作完鴉喚起。自開窻格響銅環。秋林葉落枝條瘦。露出墻頭一角山。

顏懋功

字明試。號雲耕。杭州府學生。

漁父詞

來往飄然笠澤仙。此身常伴野鷗眠。沽酒去賣魚還。一聲欸乃夕陽天。

其二

蘿月松烟斷岸高。釣竿垂處拂雲濤。橫鐵笛蕩蘭
橈。一江星影破漁篙。

其三

江岸風清雨霽天。蒲帆斜挂剪朝烟。然楚竹煮寒
泉。錯被人呼鑊笛仙。

竹素園

翠竹森幽逕。迎門秀色鮮。入簾香細細。隔座影娟
娟。粉落苔茵靜。陰遮石徑偏。塵懷消已盡。吟眺自
悠然。

夜宿堯峯松泉菴

到此忘身世。茅菴意自閑。松濤吹絕壑。客夢落空
山。黃葉荒苔逕。寒泉碧水灣。月明僧影瘦。清磬隔
花關。

月夜聞雁

長空秋氣肅。塞雁憂哀音。萬里辭邊境。千聲和晚
砧。愁添孤客淚。寒入美人心。今夜樓頭月。相思恨
轉深。

明妃

朔風凜凜雁聲哀。悵望蕭關夢欲回。恨煞青青塚

上草故教生近李陵臺。

朱綿生

字鳴初自號雪江漁者嘉定人諸生有採園小草

燕歌行

孤鴻南翔木落秋。颯拉鹵風增人愁。思君客遊何淹留。故鄉迢迢斷書郵。蟲聲四壁紛啾啾。賤妾夜夜守空樓。樓頭新月挂如鉤。賤妾相望淚如流。惜哉此夕無輕舟。揚帆直渡易水頭。欲寐不寐空優游。薄帷默坐無消憂。援琴一彈意未休。露白霜高發清謳。絃聲急促歌聲遒。淒淒切切君知不。

寄衣曲

欲寄玉關去。衣間淚未乾。郎身縱得暖。妾心長覺寒。

其二

空閨衣去後。妾不如郎衣。衣自與郎附。妾自與郎違。

牧童謠

箬遮頭。泥污脚。前邨弄笛暮忘歸。騎牛勝似騎馬樂。

村居

薄暮微雲散。林壑含餘清。竹籬茆舍外。野鳥時有

聲。遙岫歛暝色。蒼翠不可名。隣老常聚首。款款溯平生。意深禮自少。貌樸言彌誠。令余三歎息。猶見上古情。

晚秋聞雁

月白天如水。長空雁數行。風寒聲斷續。入耳倍淒涼。嗟爾來何晚。江南無稻梁。謀生同我拙。中夜一徬徨。

山中夜步

古寺不可見。雲深萬壑松。我來明月夜。何處一聲鐘。

題畫

天寒不見魚。雪深不見水。把釣意悠然。無求簪如此。

邵西樵釀花小圃

蘇砌石峻嶒。雜花披曲徑。小立香風前。熏人醉不醒。

張文鏐

字彥廉一字硯蓮嘉定人刑部司務

自題卽是山房

何必買山隱。始成安樂窩。深居除俗累。舉目盡巖阿。世味酸鹹異。人情雲雨多。一真存吾道。爛醉日

狂歌。

題同夫宗丈春山遠眺圖

此中無俗擾。獨坐發清吟。一片山光澹。孤村柳色深。芊芊芳草合。漠漠綠苔侵。相對忘言處。悠然愜素襟。

舟中望金山

渺渺長風送客船。蒲帆飽掛大江邊。山當空濶波頻撼。天似低迷嶺欲連。孤埕直凌京口樹。晚鐘遙度海門烟。何時登眺留雲處。白下朱方兩豁然。

自題四十小照

落拓而今四十過。拏雲壯志漸消磨。愁來竟入詩魔去。貧後偏教酒債多。門巷綠陰風動竹。池塘清氣露翻荷。終年斷却奔馳路。白袂青鞋在澗阿。

石湖

瓜皮搖蕩弄清波。振觸當年范石湖。結个茅廬何處所。亂烟一抹鎖藤蘿。

山塘

桐橋南去水粼粼。楊柳風吹欲暮春。好是蝦鬚簾捲處。數聲聞喚賣花人。

徐見龍

字樹殿一字珠
鈿嘉定人諸生

槎溪弔李長蘅先生

日落散餘霞。寒禽語樹裡。溪頭一縱觀。振觸情何
止。古寺掩長蘿。檀園餘荒址。太息乘槎人。高踪長
已矣。

贈朱鳴初

混迹風塵內。才高合讓君。有時搜好句。盡日對閒
雲。未得馳驅路。長隨麋鹿羣。年來潦倒甚。物色竟
無聞。

徐諤臣

字冠千一字
灌荃嘉定人

偕朱鳴初王懷琛登玉峯

雨歇鹿城頭。高峯空翠流。日斜黃葉暮。雲散碧天
秋。破屋昔年寺。踈鐘何處樓。吾來興不淺。倚杖發
清謳。

題王鶴溪畫

巖際生碧筠。枝葉何幽曠。吾欲作漁竿。坐釣寒江
上。

其二

遠林暮霞橫。幽泝烟波接。山人何處來。赤脚蹋黃
葉。

張鶴翥

字雲中蘇
州府學生

登楞伽山

長松拂寒雲。積雪映遙嶼。迢迢楞伽山。振策聊容
與。憑高眺無涯。青蒼滿平楚。太湖接天末。孤帆渺
如許。踈鐘韻悠然。因風襍鈴語。行行坐忘跡。斜陽
落江渚。

顏懋昭

字杏村元和人諸生

雪霽泛太湖

澄波千頃快揚舲。霽色凌晨動杳冥。殘雪遠連春
水白。輕霞微帶曉山青。銀房縹緲空中想。漁笛滄
浪風外聽。欲訪鴟夷何處是。荻芽如薺滿寒汀。

顏懋勤

字蕉園錢塘人諸生

夏夜碧梧山房坐雨

山齋迥清曠。雨滴蕉桐響。鳴蛙亂荒池。孤烟起幽
莽。遙聞古寺鐘。悠然寄遐想。

八月十三日遊白公堤

今夕秋將半。山塘載酒行。一溪烟柳碧。幾處畫船
明。花市稀人跡。高樓散笛聲。朗吟清興遠。坐見玉
繩橫。

陳三槐

字庭芳青浦人諸生

千山懷古

層層削壁聳奇峯。天馬何時到五茸。寂寞蒼松留
古墓。淒涼白石起寒蛩。登高已弔雙魚跡。拾級還
尋一劍鋒。夕照殘巖橫翠色。忽聞蕭寺數聲鐘。

王虎文

字允武。一字恩溥。又字棠園。歙縣人。諸生。

二黃先生祠

精忠亮節迥難攀。廟食千秋伯仲間。萬斛龍文隨
手運。一登雁塔際時艱。青衿濟美垂青史。白壁連
輝碎白環。此日孤祠英爽在。巍巍同氣抗西山。

餘杭早行

嚴更譙鼓斗爛斑。迢遞征人驛路艱。十里長亭還

續夢。五更殘月正啣山。板橋籠霧蒼涼處。古渡和
烟隱現間。鴻雁偶然留爪跡。來朝雞唱又江關。

瑤池

盡信傳書未可憑。阿環青鳥共飛昇。千年浪說瑤
池會。何自淒淒葬茂陵。

讀明初四傑詩

高楊落筆奪天工。更與張徐結社雄。巧合初唐才
士數。天教慘死又從同。

其二

文章一代震塵寰。惜爾無能想倦還。天豈忌才貽

禍烈難埋翰墨照人間。

陳

曦 字躍雲嘉定人諸生有澹遠山房詩鈔

田家

朝負耒耜出夕負來耜還。適逢新雨歇處處桔槔閒。取次過溪橋。溪流潺潺。野老共慰問。相對開笑顏。

登吳山望錢王祠

突兀山形接斗牛。當年創霸憶婆留。射潮競挽三千弩。賜券雄分十四州。夜靜銅丸空際落。雲迷石鏡望中收。臨風回首表忠觀。隱約靈旂對碧流。

天竹

叢叢南燭入冬榮。恰比霜筠抱素貞。誰把珊瑚海水網。幻將琥珀渭川擎。一羣鶴頂凌風舞。萬顆驪珠照雪明。珍重移來藏斗室。底須紅豆向春生。

二陸

二陸當年竝擅名。蕭條故國不勝情。最憐白帟周旋日。空憶華亭鶴唳聲。

山塘雜詩

一路花香到虎邱。劍池百尺注清流。登臨人在斜陽裡。聽取笙歌出画樓。

其二

春風蕩漾綠波平。細雨初收薄暖生。處處鳥啼烟樹外。停橈還聽賣花聲。

其三

花事初齊春未歸。踏青女伴趁斜暉。人聲漸遠禽聲樂。回首殘烟鎖翠微。

其四

水國春來鬪麗華。竹枝唱罷按琵琶。玉蘭開處情無限。細雨輕風送落花。

其五

行過迢迢七里塘。春光爛熳百花香。遊人指點真孃墓。零落芳魂堪斷腸。

其六

一派繁華付劫灰。青山依舊長莓苔。紅樓春曉東風劣。燕子飛飛去復回。

趙文鳴

字震藻上海人松江府學生有清泉集

田家即事效五平五仄體

清晨登東臯。遠望白髮叟。牽牛肩鋤犁。帶笠往隴畝。深耕乘天時。播穀察地厚。倉庚鳴枝頭。蟋蟀集壁右。薰風吹黃梅。細雨灑綠柳。平池翻青蘋。淺渚

蒼碧藕攜筐呼童兒。載筥喚老婦。耘籽催爭先。灌
漑戒落後。嘉苗綿而芘。毒蓼腐且朽。千村磨年豐。
百室慶大有。香粳如環璫。粒米若塊阜。官租完官
倉。宿貸少宿負。攀花開南軒。看竹啓北牖。閒眠追
羲皇。散步訪戚友。鋪筵娛嘉賓。倒甕漉濁酒。持竿
叉肥魚。冒雨剪早韭。同傾珊瑚盃。共醉七八斗。何
須餐金丹。豈必佩紫綬。松清揮瑤琴。耳熱擊瓦缶。
依然無懷民。幸遇帝舜后。田間原寬閒。我亦樂並
耦。

余心悸耳聾兼之寒熱忽於恍惚之際口

占此詩及稍愈覺字句無非藥名因錄之
以誌其幻也

車前白頭翁。獨活秋露水。浮萍川續斷。空青沒石
子。荷葉旋覆花。釣籐鈎赤鯉。

題夏昶畫竹和弟損之

畫竹昔聞文太守。胸有渭川一千畝。襪材堆案高
興發。風葉烟條若揮帚。彭城派絕繼者難。仲昭差
比王孟端。并刀快剪三尺水。點染瘦影何團圞。悄
然坐我洞庭岸。萬頃烟波互凌亂。佩環無聲翠袖
薄。日暮愁聞鷓鴣怨。翻憶小樓昨夜月色寒。仙之

人兮騎青鸞。九靈之簫第三。遂吹墮碧雲雙翠欄。
朝來空齋蹋壁卧。忽見琅玕兩三箇。始知神物解
通靈。便擬攜筇日千過。東臯種竹今幾年。清陰已
滿西牕前。江鄉如此洵堪樂。毋對圖畫空咏歸來
篇。

登穹窿山

我聞姑蘇西北盤穹窿。連巒峻拔橫天空。中有仙
人名赤松。採石鍊藥顏如童。我攜竹杖探幽蹤。白
雲縹緲烟雨濛。牽裳一一攀龍從。青壁萬仞凌蒼
穹。頂方百畝中。豐隆半山法雨聲淙淙。飛泉百丈
懸高峯。芒鞋踏徧興不窮。仙壇隱隱潛花叢。前溪
隔樹來疎鐘。箕踞盤石酒百鐘。醉呼浮丘并葛洪。
烟霞痼癖不讓儂。乘鸞控鶴迎仙風。

題黃維城小山春桂圖

丹青好手胡可權。癡如虎頭并米顛。家住江南寫
閩桂。花開四出三春前。桂巖憩坐者誰子。山谷道
人差相似。文章瑰瑋超絕倫。置身偏宜丘壑裏。花
開三徑足招尋。芝蘭香氣滿幽林。籃田莊邊朝水
曲。武陵溪畔桃源深。披圖對君知君適。敢道烟霞
有痼癖。相逢且酌樽中酒。醉臥花茵永朝夕。

重遊機山

十載青山別。重遊興轉雄。昔賢留勝跡。今日想遺風。樹迴雲橫斷。亭孤鶴舞空。可憐巖上月。還與舊時同。

閉門

閉門惟習靜。世事入虛無。愛讀歸來賦。工摹別墅圖。琴清隨手撫。酒盡典衣沽。自信無長策。何妨笑腐儒。

重九日見桃花

誰傳異種自仙宮。瞥見深紅間淺紅。帶雨亞枝依

短菊。落霞遠樹映高楓。花間幾度栖寒蝶。柳外誰來繫玉驄。人面重門今冷落。不堪對酒憶東風。

送弟損之入都

重戴吟鞭向帝京。雲霄往路指承明。鳳池專掌綸音閣。雞殿分班劍佩迎。忠憤劉超寧覆餗。深沉曾鞏直和羹。極知袞職原無闕。退食委蛇總竭誠。

其二

同寅自昔貴和衷。素侶懸知意氣通。蘓賈文章蘭臭合。楊常制誥錦心同。翻雲覆雨隨時態。淡水堅

金飭我躬。怨及良朋。應共戒。獻身匪解答神聰。

其三

雙津隻堠莫辭勞。九萬初看振翮高。一日清班聯
北闕。十年舊隱共東臬。桑田廿畝猶堪種。書卷
三車更足豪。出處平生行自料。西風岐路感霜毛。

其四

離筵未罷淚先傾。長路裝如落葉輕。共說過風詩
自好。獨憐聽雨夢難成。弟婚計日須元度。親窆關
心藉曼卿。遙憶焚香東省夜。文無入手不勝情。

寄薛竹坡

積雨空庭長綠苔。柴門深閉不曾開。此中別有閒
風月。不是詩人不放來。

洛神圖

翠羽明珠尚儼然。凌波微步隔長川。塘蒲不用悲
零落。何似分香望墓田。

秋曉

玉露淒清楓葉斑。樓臺一曲水雲環。西溪盡日無
人到。自捲湘簾看碧山。

看竹

疎籬幾曲隔門庭。手種琅玕萬个青。試抱瑤琴彈

一曲紙牕同聽玉瓏玲。

今集卷九

苔岑集卷十

東吳王鳴盛西莊采錄

程

字與若號東冶長洲人諸生有稻香樓集愛吾廬稿

擬古

鳳凰巢梧桐。鴻鵠舉滄海。長抱千里志。而振九苞采。嗟彼鷓鴣鳥。一枝棲不改。豈無凌霄懷。弱羽難久待。類同志自殊。托身各有在。營營稻粱謀。羅網幾危殆。君子貴遠舉。翱翔吾何悔。

其二

種松深岳中。瑣細如浮萍。三年出蓬蒿。擢葉何亭亭。

亭歲久漸離立。化作虬龍形。幽人覓松脂。樞與采
茯苓。攫髯紛夾路。五粒通仙靈。飛霜散巖穴。攬天
撐孤青。終始不渝節。歲寒素所經。借問桃李花。榮
悴如夢醒。經春始吐艷。入秋已先零。

其三

晚風吹夜涼。月挂松間樹。照見松枝裏。泫泫滴秋
露。孤懷寄鳴琴。時與幽景遇。清商激空林。寥落增
遠慕。南望湘浦深。迢迢不可渡。相思渺雲端。美人
愁日暮。且彈松入風。泠泠識真趣。俯聽清露響。仰
見月華素。

遊師子林

出洞復入洞。盤旋如深谷。崑底暗通人。路轉無定
曲。疊石勢崢嶸。橫空徑犖确。上有五株松。攬天龍
起伏。着根無寸土。以石爲其腹。石筍影崑藏。有如
獨立鵠。碧水界東西。漉漉聳寒綠。曠洫見深林。隱
約數椽屋。佳哉師林址。十步九移目。昔賢去已遠。
勝地留遺躅。想見載酒遊。昔與清景逐。徘徊出寺
鐘。齶齶響修竹。

舟次光福

繫纜西崦口。蒼茫興未闌。笛聲風外落。樹色雪中

苦吟集 卷一 二
看斷岸明。漁火孤舟生。暮寒虎山橋不遠。獨上眺
林巒。

西山晚眺

斜陽墮秋水。暮色隱西山。青靄有時合。白雲相對
閒。樵人峯頂下。飛鳥樹邊還。最喜聞清磬。泠泠深
竹間。

和葉麗農初夏雜咏

莎蒲蕭齋苔滿階。詩筒絡繹寄吟懷。黃鸝紫燕春
猶在。伏雨闌風歲與偕。漫說子雲長拓落。劇憐方
朔太詼諧。瑤華雜誦塵埃遠。不信蘭芳鮑肆埋。

其二

夏木陰陰護綠杉。經時卧病怯新衫。無方醫俗人
難鑄。有酒澆愁杯半銜。鴻爪東西何定跡。蠶絲束
縛自成緘。同心賴有陽春調。過從奚勞挂一帆。

其三

凌霄不羨羽鴻雙。一榻蕭疏學老龐。風起白蘋泉
漱石。香生紅藕月臨窻。解憂空說三年釀。禮佛徒
瞻七寶幢。聞道吳淞君舍近。樓鞋筊笠過平砵。

其四

停雲久賦欲論交。載酒欣過共笑譌。三逕幸予通

畫舫百城羨爾擁書巢。青山夢遠遊難到。白雪歌
傳手數抄。敢附松陵同唱。和一編猶自語。說說。

寫懷疊前韻

涼陰寂寂下雲階。著論長思寄所懷。任爾青雲鷄
鷲伴。看人白眼蟹螯偕。支離端合生涯拙。恬淡終
難世俗諧。拂罷吳鉤勞悵望。豐城劍氣不長埋。

其二

閉戶閑評赤白杉。不教塵土惹輕衫。飯山休晒形
神瘦。醉隱常加雲鳥銜。世態寒暄供一笑。交遊出
處慎三緘。機心應與秋波冷。靜看漁船十幅帆。

其三

國器誰言世少雙。不材如櫟笑形龐。竹孫石丈聊
爲侶。鳩婦鶯雛好撲窓。異地更無禁酒國。仙人空
有說經幢。非因襪纈頻相遇。愛訪清溪步釣杠。

其四

夙暮風儀趙上交。荒齋牢落任相嘲。定僧枯寂難
持鉢。飛燕辛勤易覓巢。困懶鶯花眼已倦。拋殘經
史手頻抄。生天成佛都無願。守靜何須謾口說。

白蓮寺晚步

信步到珠林。松風轉幽壑。日暮不逢人。空庭黃葉

落。

陸 景 字重光號梅垞吳縣學生有秋槎集

登北固山絕頂

振衣凌絕壁。千里江光寒。征帆天外至。遠樹雲中看。冷然發清嘯。感興非一端。金焦如螺髻。倒影澄紫瀾。秋色明極浦。夕陽散層巒。瑟瑟葦花白。離離楓葉丹。象超慮已遣。意愜境逾寬。願從息塵鞅。烟霞肆盤桓。

舟中眺焦山

海門勢一束。兩崖激波濤。寒光蕩白日。帆轉風蕭。

蕭側見浮蒼玉。秀色含松寮。沿洄信遐寄。眺賞忘煩勞。傳聞棲隱地。焦先此逍遙。昔人不復作。巖阿空寂寥。孤雲墜石壁。早雁啼江臯。惆悵發深嘅。把酒慰鬱陶。

荷葉浦

停橈荷葉浦。暝色向黃昏。斷岸潮初落。空林鳥暗翻。孤篷聞細雨。遠火見荒村。一夜寒無寐。鄉情細共論。

曲中

一帶棲鴉柳。娟娟尚拂頭。美人為黃土。明月照高

樓。細馬那堪過。暮潮空自流。大都詞客恨。零落感山邛。

黃天蕩

戰壘銷沉盡。中流振柁行。一江垂月暈。萬馬赴潮聲。蒼莽瓜州戍。蕭條鐵甕城。英雄驢背老。遺恨總難平。

新亭

孤亭臨眺獨躊躇。對泣空憐壯志虛。人物一時皆倜儻。中原萬里已淪胥。荒岡兔走秋風裏。古瓦花飄暮雨餘。最是淒涼同舊內。美人名士竟何如。

秦淮水榭聞歌同程與若潘聲谷作

水榭重來破寂寥。柳陰疊疊路迢迢。二分明月青溪夜。十里珠簾長板橋。且喜何戡還度曲。却憐杜牧再停橈。銷魂處處勾留易。不管空江落暮潮。

登雞鳴山眺後湖

華林園外野煙涼。振策來探客思傷。不見明燈張畫舫。誰橫短笛倚宮牆。曉風月落聞雞埭。夜雨花飛射雉塲。三十蕭郎稱虎步。壽陽一至恨茫茫。

金陵道中寄故園諸子

獻賦難爲京洛遊。滄江歲晚棹孤舟。斷雲北雁青

山暮殘照西風碧樹秋。名士飄零多旅食。美人憔悴半離憂。一樽擬共遲明月。歸卧吳淞水上樓。

朱學潛

字右陶號柳村蘓州府學生有柳村詩鈔梨餘綺語

夏夜

槐影落空墻。宵深枕簟涼。螢低三徑碎。蓮動一池香。明月誰家笛。清風獨舉觴。故人不可見。遙思散滄浪。

螢

暑雨池塘歇。螢光草際浮。乍依凝露井。還傍讀書樓。漢殿淒涼月。隋宮寂寞秋。倘教諳往恨。定不再

伍流

龍潭早發

月落山蒼蒼。秋風吹曉涼。江聲醒客夢。嵐氣濕行裝。不耐征衫薄。偏隨芳草長。秣陵何處是。樹色澹微茫。

梅花

早春消息叩巖扉。玉樹亭亭竹外依。清影不移雲漠漠。寒香初動月微微。山橋日晚無人到。籬落燈昏有鶴歸。莫弄桓伊江上笛。恐驚殘夢逐花飛。

秋柳

秋入河橋幾度霜。蕭疎無復舊條長。關山是處飄殘笛。官渡無人折夕陽。流水短篷愁暮雨。西風古驛咽寒蟄。天涯一片傷心色。應有征人欲斷腸。

送洪東岸歸宣城

故園久不歸。歸去翻成客。獨上敬亭山。山容宛如昔。

其二

秋光猶未老。客鬢已成絲。月出衆峯白。憶君清夜時。

施廷杞

字共辰號漁莊元和人國學生有漁莊吟稿

歸燕

那忍辭簾幙。翻飛畫閣前。空梁餘舊壘。遠道宿寒烟。霜月樓空鎖。斜陽巷已遷。不嫌茅屋小。待爾杏花天。

殘菊

寂莫庭前菊。攜樽幾度看。霜餘香未減。月照影初殘。萬卉已凋謝。一籬猶耐寒。相期存晚節。三徑日盤桓。

靈巖懷古

十里橫塘繞碧溪。好山每在夕陽西。苧蘿人遠花

宮靜麋鹿臺荒暮景淒。曲徑已看香草歇。空林惟有夜烏啼。鐘聲百八醒殘夢。兒女英雄庶不迷。

明妃曲

漢宮坐斷月黃昏。淚濕琵琶出國門。搃爲臨行邀一顧。風沙萬里感君恩。

送人之邗上

弱柳千絲一葉舟。送君明日上揚州。相思只在江南北也。作千山萬水愁。

潘元振

字聲谷吳縣學生有玉楮集

對月懷梅垞

雨過池館清。華月上喬木。徘徊戀孤光。長吟還滅燭。晚露滴圓荷。涼颼動深竹。良夜感離思。美人在空谷。

京口晚泊同葉方宣

倦客正寥落。孤篷浩渺間。人烟楊子渡。春雪戴公山。漁火遠村動。鷄聲野店閒。天涯同舊侶。沽酒慰離顏。

過圓覺寺

一徑入修竹。蕭然萬籟清。江雲依檻靜。山翠列窓明。香梵林間落。幽泉澗底鳴。禪堂枯坐久。寂歷道

心生。

登君山元武閣

蒼茫吳楚曉烟收。振策來登傑閣頭。山色清宜殘
雪映。江湖寒帶斷冰流。千帆估舶雲中出。百雉孤
城鏡裏浮。回首棘門成宿草。伯圖銷歇使人愁。

泛舟石湖過楓巖禪院

水烟空處棹扁舟。遙見精廬石徑幽。一鑑湖光林
外映。四圍嵐翠望中收。花開洞壑春偏早。松老巖
扃雪尚留。尋勝不知歸去晚。鐘聲杳杳暮雲浮。

薛之鈞

字協中號萊園元和人
諸生有蘊真堂詩集

晚登天平嶺

層巒夕照明。携筇恣尋躡。遠寺暮鐘疎。松篁響互
接。禽鳥歸林喧。空翠落眉睫。翛然世慮忘。樂此幽
賞愜。泉聲瀉淙淙。峯影峙叠叠。境靜心彌閒。寒巖
聞落葉。

虎邱

放棹山塘路。扁舟柳外過。低簷臨水密。高樹入雲
多。花市迷紅雨。禪房隱碧蘿。司徒遺跡杳。憑吊意
如何。

園梅

衝寒放蕊雪霏霏。掃盡繁華映夕暉。把酒頻看憐
骨瘦。終宵獨對覺煙微。相思一載尋松壑。偕隱多
年。卧竹扉。嗟爾小園甘寂寞。春來誰與鬥芳菲。

渡江晚望

水天一色望迢迢。幾幅征帆趁早潮。白浪千秋吞
島嶼。青螺兩點認金焦。雲蘿故壘悲三國。風送寒
濤弔六朝。客裡蒼茫何限感。南徐北固總蕭條。

落花

春歸茂苑草萋萋。綠暗紅稀望眼迷。欲折一枝傷
已謝。黃陵廟裏鷓鴣啼。

其二

春愁無那聽鶉啼。賸粉零香滿碧隄。迴憶東風初
送暖。嫣紅簇簇畫橋西。

黃

堂字升階崇明人諸
生有朗軒漫稿

春蠶曲

春蠶柔軟姿。慘手不堪拾。三眠桑正阿。蠶食共一
葉。絲成乙乙抽。一吐一艱澀。直疑嘔心肝。延頸形
神。茶作繭。自封裊。絲盡烹亦及。誰爲織縑素。寒女
慙勲業。尺素千繭營。匹練萬繭緝。寒女無完裙。深
閨繡衣襲。俱是爲人謀。淚滴機絲濕。夜聞杼柚聲。

聲聲盡於邑。

黃

埏字維甄號樸牛堂之弟諸生有燕超集

述懷

種蘭忌當門。自須生空谷。不作吳姝佩。孤芳更殊俗。扶輿廓無垠。羣趨要路津。按劍時相盼。抱璞喪其真。斯文未墜地。奈何辭賤貧。

其二

四皓老門客。儀容驚漢王。紫芝可以飽。太子義難忘。歷陞不能趨。鬚髮盡如霜。人生國士報。豈必在方將。

其三

曩哲代相謝。悠悠繫我思。人與骨俱朽。空名復屬誰。無聞悲沒世。有聞惜後時。懍懍歲方晏。怵惕將焉持。百里半九十。末路難可知。

其四

鸚鵡剪其舌。雄鷄斷其尾。朝陽有鳳鳴。千仞翱翔起。羅網弗能加。德輝瞻遠邇。多才詎為累。立身自有理。

其五

秦中一脉地。王氣幾千秋。漢唐舊陵寢。纍纍成荒

邛東望洛陽城。北顧幽并州。莫盡興亡事。黃河日夜流。往年白門返。禾黍正油油。陳跡已蕩然。湖名尚莫愁。感嘆不可數。落花滿長洲。

其六

今日灌園叟。昔日觀國賓。昨夜南柯吏。今夜邯鄲人。千金無以報。一飯哀王孫。回首長樂宮。壯士亦銷魂。白鶴憶華亭。黃犬懷東門。如何柱下史。飄然西去秦。吾生自有涯。願與喬松鄰。

麥秋行

步出東門縱遙目。小麥青黃大麥熟。農夫田父共

歌呼。殺鷄沽酒相徵逐。婦子嬉遊隴畝間。預計將來多十斛。君不見往年海溢禾稼空。千家萬戶吞聲哭。

苧蘿村行

吳宮麗人乘魚軒。珠壓金蹙耀日暄。胡天胡帝貴難言。侍御雜還車馬喧。前驅清道孰敢近。招搖過市入宮門。觀者遙望亦銷魂。豈念當年負薪日。浣紗辛苦居荒村。

春日詠懷

四十諸生無遠謀。榆枋決起悵鳴鳩。鸞箋擬向朝

雲寄蝶。夢渾隨。汝水流。芳草千年留謝墅。春風終古屬秦樓。如何滿院花爭發。不敵區區一寸愁。

其二

不知許事且啣杯。欲賦閒居心已灰。湘水到今斑竹活。長沙自昔夜猿哀。羊頭且許乘軒去。狗監何嘗負弩來。昨夜南枝梅似雪。怪渠仍壓百花開。

無題

媒拙心勞祇自傷。春風不管杜秋娘。點衣未識楊花意。畫扇難移桂子香。酒爲澆愁秋更結。詩因寫怨怨方長。江州司馬原多淚。一曲琵琶也斷腸。

次韵答施東涑

身閒猶自苦心忙。持綆空勞問坳堂。瀛海茫茫仍故土。秦淮漠漠又飛霜。一枰未竟渾銷晝。百榼頻傾奈永傷。悲曲更從河上譜。斷魂無語對殘陽。

其二

卅年飛筆爲誰忙。鐵硯磨穿不下堂。君著千行文似錦。我餘三尺刃如霜。驅羊底事憑全力。墮馬偏宜得小傷。豪氣未除周子隱。貫弓且復向山陽。

登冲虛閣追悼七兄冲如先生

草縈木歛暮疑暄。臨眺無言野色昏。客燕倦飛俱

入夢。遷鶯。美舌亦銷魂。經旬風雨迷黃浦。壬午夏同七兄

就醫上洋風雨幾度星霜悵白門。余每應江寧試輒與七兄借客

秋惘然就道回首鄉關增百感。茫茫是處盡鴿原。殊不勝情

木鷹

撥身真木植。危立勢何孤。本少隨人志。雖飢未可呼。

其二

條。斲。難。容。足。皮。冠。不。戴。頭。誰。能。更。凌。厲。凡。鳥。亦。無。憂。

送沈雨蒼

鷄鳴着衣起。送行日午臨。岐潮水平。今夜故人何處。宿烟波極目。海雲橫。

趙天秘

號鶴埜上元人甲子舉人官青浦教諭有南北集

秋郊卽事

高秋發清興。曉出探烟蘿。步入山中去。身從雲裏過。紅飛霞色迥。青冷露痕多。借問林間叟。東籬菊若何。

雨夜聞鴈

陰雨迷離夜。搏風力不禁。豈無矰繳慮。緣有稻粱心。翻重飛難舉。聲寒濕易沉。我方悲鍛羽。爲爾一

長吟。

送人之浙東

難逢偏易別。分手各傷神。舟已入烟際。人猶立水濱。吳關霜雪滿。越國歲華新。好囑南來鴈。毋勞旅夢頻。

北上

擊楫春江曉。行行望帝畿。天隨孤客遠。程羨旅鴻歸。扣角長歌壯。投人短刺稀。莫將兒女淚。宛轉落征衣。

寄張賡虞

見面猶難卜。緘情寄草廬。翻憐萬重意。難盡數行書。玩世心同苦。謀生計各踈。輪君偕骨肉。半飽混樵漁。

送友人歸里

班馬宵來動。殷勤問所之。還家原有路。偏我獨無期。憑訴窮途恨。傳教故國知。秋風君到日。鱸膾慰相思。

棉花

葆英原小草。採製用方宜。似雪偏奇煖。名花非豔姿。遇彈鋪玉板。經紡吐銀絲。衣被功何溥。寧煩貢

島夷。

題張賡虞幽居

斜傍溪流結數椽。衡門開處水涓涓。常看綠竹非
爲客。任住青山不費錢。莊子冥心齊物論。稽康妙
指養生篇。遙知月浸書窗冷。一炷清烟一榻禪。

寄蔣鐵琴

志業全虧性未馴。祗容湫隘卧閒身。鄭虔題畫稱
三絕。柳惲分才了十人。好扣鐵琴酬古調。難將彩
筆慰長貧。爲憐同病遙相憶。知爾開緘亦愴神。

贈王維生

客舍塵封絕送迎。卧聽梁燕訴離情。白眉舊仰馬
從事。青眼初逢阮步兵。莫惜論文燒短燭。會看跋
浪吸長鯨。只因伯樂稱難遇。矯首因君奮一鳴。

贈蔡星五

何事中郎歎數奇。自教落魄滯京師。鹿藏夢裏原
無夢。羊入岐中更有岐。投筆需時花盡落。守株終
日兔難期。故園風景依然好。只隔錢塘水一涯。

訪隱

問得孤村上古隄。憑高一望樹烟低。遙知竹內通
三徑。直至林前隔一溪。石竇雲封聞杜宇。山屏日

落。疇。黃。鸝。幽。居。更。比。桃。源。幻。未。是。重。來。路。已。迷。

山中自課

掃。迹。名。場。不。綴。文。終。朝。清。課。抵。斜。曛。鑿。泉。分。出。半。
天。月。放。鶴。冲。開。滿。徑。雲。酒。頌。茶。經。閒。裏。註。花。香。鳥。
語。靜。中。聞。腹。書。未。暇。經。時。晒。辟。蠹。常。將。栢。子。焚。

長門賦

恩。衰。金。屋。卽。長。門。買。賦。還。思。感。上。心。不。識。相。如。原。
薄。倖。當。時。應。購。白。頭。吟。

溫柔鄉

內。視。功。深。魚。水。諧。恩。光。偏。入。避。風。臺。溫。柔。鄉。肯。容。

人老射鳥何如赤鳳來

宋山陰

春。來。回。首。滿。香。帷。盡。體。君。恩。百。事。隨。不。念。赧。顏。陳。
乞。苦。褚。淵。終。負。好。鬚。眉。

垂柳

望。裏。森。森。碧。玉。高。絲。柔。葉。茂。繫。長。條。却。憐。有。辱。先。
生。傳。一。向。東。風。亂。折。腰。

吳梅村

賈。充。自。解。憂。身。後。危。素。何。心。號。老。臣。半。世。不。言。懽。
悴。死。息。媯。終。是。可。憐。人。

汪日宣

字在三青浦人諸生有淡成軒集

牛渚

向晚來牛渚。臨風思渺然。孤帆沙鳥外。古寺亂山前。舉酒邀明月。長吟想謫仙。憐余蓬轉客。獨上運租舡。

雨歇寄友

雨歇晴猶未。扶策過小橋。麥田低積水。沙渚暗通潮。詩思雲俱淡。離愁霧不消。相思隔浦溆。悵望一無聊。

送張友庭官黔陽

梅花風裡乍相隨。把袂時當分袂時。鴻入遠天應有路。水迴極浦渺無涯。關心芳草江干拂。轉眼征帆柳畔移。一曲驪歌山欲暮。綠楊兩岸策纖離。

其二

仙吏翩翩雅韻悠。小鮮屢割嘆才浮。掇科先世留金帖。揮手今朝藉玉舟。千里春雲縈客夢。五更殘月挂鄉愁。雙鳧重溯黔南路。愧我棲遲沙際鷗。

京口夜發

掀篷一望水潏潏。擊汰揚舠杳靄間。萬里寒潮吞鐵甕。半江明月湧金山。頑廳狎獵欺衣薄。殘角啣

啞破夢還此地由來酒可飲且拚酩酊慰離顏

海嶽樓

懷古重來江上頭振衣長嘯獨登樓山中梵放魚
龍靜檻外雲開島嶼浮三楚荒烟迷極浦六朝遺
恨咽寒流臨風釀酒悲天塹蘆荻蕭蕭滿眼愁

俯江亭

附葛捫蘿磴道迴危亭千尺壓崔嵬三山嵐翠當
窻落九派潮聲入座來跨水孤撐盤鐵鎖隔江倒
影浸瑤臺此來分外吟情壯波濤天高烟霧開

陳

洙

字魯泉青浦人諸生有
鈕雲悲絃用寶堂諸集

贈胡吟鷗丈

海內推名宿春風拂處熏吳山懷舊雨燕市賦停
雲暢飲黃花酒閑揮白練裙年來常問字高議座
中聞

錫祉堂度曲

冰簟銀床細細風檐前好鳥亂啼紅何人顧曲雲
屏下有客譜詞蘭院中按罷錦箏翻鑿落吹殘玉
笛付玲瓏幾回聽徧霓裳序小杜清愁對碧釵

悼亡為莊孺人作

閑將心事問蒼天惆悵絲蘿繫未堅翡翠衾寒愁

似海鷺鴛。瓦冷夜如年。春風柳絮悲荀粲。暮雨梨花泣杜鵑。一陌紙錢何處寄。古烟宿州大堤邊。

其二

香消斗帳篆烟微。欲覓鴻都術士稀。舞鳳盤龍人已去。輓車舉案事全非。白雲檻外花偏老。明月窗前魄未歸。幾度討春潛制淚。忍彈一曲雉朝飛。

其三

綠樹濃陰叫子規。春光無處不堪悲。賜廻九曲須澆酒。婪繞三更懶畫眉。偏是名花易開落。可憐明月有盈虧。欲知別後相思苦。常在燈昏香燼時。

其四

葯房寂莫淚空彈。春雨春風帶曉寒。頂禮空王求解脫。皈依法界熱梅檀。截開碧藕絲難斷。嚼得青梅味。酸。酸。一自玉樓人去後。品花不譜竝頭蘭。

題畫蘭

曾從九畹認名蘭。佩解江妃香未殘。一種幽情摩粉本。墨痕瀉作露痕看。

金闈

碧溪新漲望迢迢。綠柳紅桃雁齒橋。何處春情濃似酒。畫舫來去聽吹簫。

桐橋

春前。先唱踏春歌。油壁香車次第過。試上桐橋南
北望。酒旗風捲畫樓多。

題高明府巢珊河梁握別圖

辭官拓落寄清閑。把酒離亭別淚潛。譜入荆關圖
畫裏。夕陽紅樹幾重山。

趙師憲

號容齋上
元人諸生

擔上菊

如何稱逸品。轉徙竟隨人。不遂林中趣。偏蒙道上
塵。行藏難自主。黯淡向誰親。到處思相售。東籬失

比鄰

落葉

無端舍舊枝。遠去欲何之。空費栽培力。難禁搖落
時。溝邊流片片。野外糝離離。何處孤松好。亭亭嶺
上姿。

茗岑集卷十一

東吳王鳴盛西莊采錄

王文進

字簣夫號野吾婺源人官分巡貴西道

東阿道中

風號萬木鳴。緩轡過山城。午憩蝶尋夢。春犁犢試耕。買膠趨草市。沽酒入茅棚。道路多閒趣。行行不計程。

白鴨

性與清流適。况兼冰雪姿。在欄人已見。隔岸草難迷。不用丹青畫。偏宜碧綠池。非關頻洗刷。自是涅

無淄。

河塘

小聚川原上。平蕪綠到門。簷前垂柿栗。牆下散雞豚。樵擔出煙塢。漁篲集樹根。溝塍隨意築。禾稼茂村村。

長牛寨

振衣凌絕巘。辛苦到長牛。嵌石營居址。侵雲闢井。正雞塢旁置竈。豕棚上為樓。瘠土民堪念。歛歛為少留。

其二

少留還去去。巡歷近黃昏。翠竹蒼松徑。丹崖碧澗村。炊煙來谷口。牧笛起山根。懷抱方閑適。何堪叫暮猿。

松巖山寺

耳畔落清磬。穿林到梵宮。竹深僧榻綠。花密佛龕紅。貝葉全生蠹。香廚半養蜂。奇觀對披豁。一笑啟簾櫳。

其二

傑閣層巒上。高撐半壁天。樹頭羣澗落。簷際亂峯懸。虛谷聞樵斧。平林直竈煙。殘霞明驛路。開闢記

當年閣有西林相
國改路碑

渡江

劃然南北一江分。小艇斜飛背夕曛。蘆葉着風何處雨。炊煙濕水幾堆雲。船頭山過頻敲鼓。洲尾波迴倒織紋。堪笑此身同雁鄉。又來孤浦食新芹。

白秋海棠

不將艷色傲羣芳。改盡春容納晚涼。已奪碧雲天上色。更分玉樹月中香。徐娘老去叢殘鬢。虢國朝回淺淡粧。黃葉堆邊初識面。秋深錯認着枝霜。

立夏後七月初見白髮

幾番花事送殘春。又見榴紅夏景新。苔積嬾呼童子掃。年增喜與老人親。總無計較消長日。剩有窮愁伴此身。不信年華三十八。鏡中已作白頭人。

秋夜普安旅舍

屋覆棕櫚葉。牆垂藤豆花。涼飈吹月上。滿院走龍蛇。

自銅川河至耿家屯馬上口占

斜穿僻徑落荒叢。馬首蕭蕭燕麥風。卅里虬松青不斷。人家長住翠巖中。

夜至哈喇河

曲徑低橋行不窮。朱衣前導雨絲中。蠻丁竈戶爭
相識。一片松明夾道紅。

范文煥

字暉如號香溪寶山人
諸生有挹爽樓吟稿

郭泰

高名超俊及。獨行在彝倫。不受清流禍。何妨處士
貧。中郎無愧語。元禮亦仙人。逸事猶爭做。春風折
角巾。

絡緯

亦是催刀尺。縲車徹夜鳴。旅懷頻淚泣。閨夢忽心
驚。斷續依蛩韻。淒清雜杵聲。虛牕愁不寐。落月枕

邊明。

觀音巖

斷壁插沙渚。凌虛佛閣開。風帆兼鳥沒。樹色隔江
來。鐘梵醒塵夢。雲巖遠俗埃。客心倦于役。便欲寄
香臺。

喜錢西巖遠歸

廿年浪迹去江村。破帽疲驢壯志存。覽勝曾經大
禹屋。題詩頻上少陵原。飄零鬢髮添霜色。顛顛青
衫帶酒痕。御李瞻韓終失計。歸來好閉舊柴門。

九日同人讌集凌蒼侄百城樓分韻

丹楓黃葉點平砒。令節招邀興未降。三徑幽花閒
永晝。十年舊雨話西牕。飄零身世憐霜鬢。笑傲江
湖瀉玉缸。獨恨汪倫易分手。微波輕泛木蘭艘。時汪

綱青將
之廣陵

范來宗

字翰尊吳
縣學生

夕陽

光連雨足獨遲遲。漸近黃昏暗自知。喚渡客驚鴉
去。路捲簾人立。燕歸時。返含峰景千重出。斜帶梧
枝一抹移。新月如鉤分暮色。緩歸牧笛逐風吹。

歲暮書懷

歲寒情味又如斯。高臥年年守故枝。鐵幹未春含
萼早。白雲經凍出山遲。魯陽何術堪揮日。賈島惟
勞自祭詩。抱影莫生寥落感。風光轉眼載陽時。

首夏寄贈徐知隅五十韻

五湖聊寄跡。一室動相思。世態雲生滅。離情月滿
虧。聲華懷舊好。藥石感良規。玉樹倚何日。金龜刮
待誰。狂吟驚夜靜。迅羽托風吹。逸足推徐幹。良材
類卻枝。降天麟是種。入夢鳳呈儀。汲古分藜照。依
園下董帷。江花舒灼灼。潘藻漾瀾瀾。時俗紛誰識。
清狂自擇師。坐來春滿屋。立處雪平墀。問字尋楊

子談詩祖拾遺。虞山時仰止。鶴市每遊嬉。拂席羅
珍怪。開襟邁等夷。人前仍故態。醉後唱新詞。鑿險
形無遁。抽精思出奇。驪龍珠自保。玄豹霧常披。錦
綺千端貯。珊瑚七尺移。抱才羞炫耀。懷寶絕磷緇。
更潑華光墨。如看摩詰詩。餘情拂素絹。高格寫瓊
姿。庾嶺輕寒候。羅浮薄暮時。冰霜虛點綴。溪岸共
逶迤。掃筆香浮動。懸圖影側欹。清標宜越俗。愛客
復如飢。北海琴尊會。南皮宴樂期。十千沽美酒。三
百對枯棋。氣味芳蘭麝。盟交瘦菊籬。激壺蓮子中。
覓杖蔗竿持。警露嘗聞鶴。攜柑亦聽鷓。雄談宵失

永野興劇忘疲。羣俊欣醇飲。愚蒙效管窺。裘緣御
李切。神爲識荆馳。波湧推君度。瞪呼笑我癡。心情
一朝洽。形跡兩無羈。猶恨違晨夕。偏教苦別離。鹿
城春命駕。驥尾暫相隨。篝火分宵壁。鋒毫厲銳錐。
沸爐甘水厄。擊柝徹山陴。鍛羽飛難起。搏風折亦
垂。茫茫離合感。忽忽歲時悲。蜀魄啼芳草。朱明摘
錦葵。苔茵青貼地。蘋帶綠鋪池。白袷閒中試。烏犍
谷口騎。空山混樵牧。吾業托耕犁。早伏心還壯。艱
危氣不衰。飛光來有盡。修綆汲無涯。獨夜劉琨舞。
先鞭祖逖施。思君常似醉。溯舊已如疑。努力崇明

德年華入短髭。

橫塘春泛

綠軟芳堤凍乍消。紅欄雁齒列平橋。雨餘千尺桃花水。流盡春愁送畫橈。

其二

旖旎煙光醉綺羅。銀塘簫鼓往來多。風吹一曲吳娘調。春水無情皺綠波。

程師濂

字茂來號蓮亭寶山人
乙酉舉人有滿花居集

愛妾換馬

未識生離苦。祇求萬里征。英雄不好色。兒女竟忘

情。藏。旣。旋。毛。動。寒。帷。別。淚。傾。爭。如。君。御。者。猶。得。侍。君。行。

鴻門宴

無傷賣主求媚楚。片言激得項王怒。沛公蚤來謝項王。我為魚肉人刀俎。亞父示缺意何為。項莊舞劍事已危。何人擁盾顏色變。目光直射重瞳面。斗酒醉不辭。豚肩生可噉。壯士坐。沛公起。虎入山魚得水。我謂沛公脫走。徒為爾項王相害之心。本無此不然。江東尚可入。咸陽何況鴻門。霸上相去不。過四十里。

歸燕

又見辭巢去呢喃任所之。與余同寄食。憐爾有歸時。去住憑誰定。炎涼得自知。茫茫江海外。將子共栖遲。

聞蛩

露下草蟲驚。淒淒恨不平。秋來無限思。併入苦吟聲。

莊以臨

字正廷號鎮亭又號沅舲寶山人乙酉副榜貢生

花朝同薛竹坡徐蔭林汪笠夫讌集王岡

齡停雲齋次竹坡韻

提壺頻喚醉紅亭。逸賞還開雲母屏。舊雨花前浮大白。新煙檻外落空青。一聲詩鉢蕭齋暮。幾陣松風鶴夢醒。好趁龍門桃浪暖。春江澹靄共揚舲。

渡江

極目滄江天際流。風帆點點送輕舟。梵宮地逼魚龍窟。漁火宵連荻葦洲。萬頃煙光朝暮轉。一痕山色古今浮。淒涼異代興亡事。祇有寒潮到石頭。

靈谷

漠漠寒雲接翠岑。旛幢杳藹舊叢林。禪栖不改松篁色。劫火空餘鐘磬音。古寺荒涼鈴語少。殘碑剝

落石衣侵遊人莫問蕭梁事七十招提何處尋

鹿城舟中遇雨同友人夜話

連江水漲碧于天。風雨篷牕共被眠。雁陣乍驚千樹外。漁燈暗聚一灘邊。功名蕉鹿難成夢。意氣驂騮枉着鞭。幸有故人同少賤。年年裙屐玉山前。

送友人之粵

青山如黛柳如眉。綠樹紅亭送客時。晴雨三春無定信。寒暄五夜有相思。輕帆南浦人千里。小館東風酒一卮。愧我年來甘守拙。素居頻賦別離詩。

褚國政

字霖芸號凌雲又號中齋華亭人諸生有辛莊集

集蘭亭字

日永春云暮。娛情放浪遊。亭虛蘭自茂。山靜竹生幽。樂矣清觴敘。欣然暢襍修。曠懷今古合。此會足風流。

秋郊晚眺

瀟酒狂歌酒乍醺。霜華露氣滿氤氳。東林晚色烏三匝。南浦秋聲雁一羣。僧寺鐘殘青嶂月。漁舟燈細碧溪雲。寂寥幽景看何似。直向迂倪畫裏分。

過王嘯亭齋

礪道輕陰日已斜。浴鳧飛鷺近晴沙。到門先看千

筇竹倚檻欣逢九日花。旗影橋邊村酒店。春聲林外野人家。杳然並坐忘歸處。對此渾疑泛海槎。

別汪亦齋

習習東風春水波。長途握手共悲歌。郎今初別猶如此。別後相思更若何。

黃維玉

字希石
寶山人

夜歸

吾從海上歸。月初離海上。徐行不數里。滿路清光漾。月如送吾歸。抵舍更可望。隣家無人聲。惟有蟋蟀唱。長子迓吾入。相扶問無恙。幼子釣亦歸。傾壺

情一暢。

閨詞

去歲雁北至。家書未帶回。叮嚀汝歸去。秋後莫空來。

申成基

字西榮號海村嘉
定人有所欣吟

幕府山

幕府當時建。來遊一悵然。泉傍不見虎。臺上有何仙。籌國元臣力。偏安多難年。徒留嶺畔樹。夕照淡生煙。

焦山

一自焦先隱茲山永得名。鶴歸人寂寞鼎在草縱橫。今古長江水蒼茫大海行。上頭遙縱目何處學長生。

寄鈔兒

趨庭如昨日惆悵別家林。作客非吾意看雲見汝心。江湖蓬鬢改天地歲華侵。十畝何時買相將老漢陰。

毛

純字景顏一字季愚寶山人諸生有藜校堂詩鈔

生朝自述

駒隙光陰冷自看且憑兒女話團圓廿年事業針

投芥半世功名鮎上竿。除惱有魔降未得送窮如瘡。避應難磨驢憐我謀生拙踪跡於今似懶殘。

其二

無勞瘦骨倚筇枝。煮茗焚香了歲時。讀史丹黃猶未老看花甲乙尚餘癡。追慚潘岳娛親賦默悵陶潛責子詩窮巷閉門無剝啄安排椒酒倒深卮。

冬日野望

處處連耒打稻聲野田策杖喜冬晴。寒鴉流水斜陽路滿眼蕭疎畫不成。

印

照字位中號滙涼嘉定人有菽園詩鈔

蒼浪亭
芳草南園路。孤亭淡夕陽。猶傳蕪長史。誰問廣陵王。
春色浮花逕。溪流齧苑牆。平生魚鳥興。緩帶向雲岡。

旅懷

牛後雞前總可憐。客中襪被鎮蕭然。江湖青鏡悲蓬鬢。
身世黃楊厄閏年。已笑飢寒如曼倩。休言生活勝焦先。
腰間憑檢垂囊看。并少開元半字錢。

其二

伶俜門巷半荆榛。隱几淒涼老病身。皮骨夢中憐

穉子。米鹽廡下累衰親。黃塵快馬成前劫。白社秋風少故人。
還向曲欄望天末。斷鴻殘柳益沾巾。

其三

傷心最是陸家姑。月墮星沉夢有無。往事燎鬚思李勣。
孤燈鳴杼失徐吾。淒涼堂斧敲碓地。零落丹青舉案圖。
十載春風寒食節。何人麥飯哭榛蕪。

其四

破牕寂歷峭寒侵。半壁還懸子敬琴。風雨床空悲舊約。
池塘夢斷只孤吟。涼宵聞雁三聲淚。白日看雲十戴心。
一語小馮憑記取。飯銬三徑莫重尋。

張承先 字誦芬號蒿廬嘉定人諸生有釣珊瑚莊詩鈔

同印滙淙過白鶴江有懷

春江水漲綠。挈伴一徘徊。白鶴飛何處。仙翁去不回。鐘聲雲外度。塔影日邊來。欲覓殘碑讀。萋萋沒草萊。

送顧柯亭之中州

放遊看遍五湖春。春暮纔還練水濱。故里鶯花方戀主。征人襪被又離羣。片帆遠逐黃河浪。孤劍橫衝少室雲。賓客梁園知未散。一尊好與細論文。

施

灝 字冠山號荃漁寶山人。板貢生有默雷軒吟稿。

五人墓

義士首邱處。英風夙所欽。寒禽啼不斷。松檜自成陰。荆。聶。當。時。節。膺。滂。異。代。心。摩。抄。殘。碣。字。落。日。澹。遙。岑。

夜泊江口

楚尾吳頭歎滯淫。關河搖落故鄉心。十年煙水思前侶。八月江城急暮砧。夜月蘆洲哀雁信。扁舟鐵笛老龍吟。明朝更理雲陽棹。驛路蕭蕭楓樹林。

舟過積慶寺

曲罷吳孃賣酒樓。山稀水濶路悠悠。舟人指點橋

南寺行過鐘聲卽秀州

王友亮

號楓亭婺源人乙酉舉人

謝汪宛在寄黃精

吾州黃海名天下。吾邑鄣山乃其亞。雲中壽木不知秋。石上靈苗光燭夜。深巖仙草碧葳蕤。守以虎豹世莫窺。祇今環山數百里。異氣多產龍啣芝。長饒掘取冬之日。色擬純膠甜勝蜜。頗聞仙品壓茯苓。却怪鄉風當芋栗。年來多病費藥籠。餌此好留雙頰紅。不尋南陽甘菊水。不訪中嶽菖蒲茸。筠籃遠寄煩吾友。此意殷勤百朋厚。新詩報謝愧難工。

附以雙縑當瓊玖

過高郵

漸覺離家遠。方知作客勞。樹遮帆影小。堤束水聲高。五字聊清詠。三升共濁醪。緬懷秦學士。千載擅風騷。

留別賈大

長沙綺歲早工文。風度翩翩更出羣。譜就金蘭人又別。吟殘紅藥袂初分。遙知千里同明月。却望三山隔暮雲。一笑不愁良會遠。上林花發好逢君。

燕子磯卽景

客裡筇枝不放閒。危磯曲磴試追攀。僧開小閣橫
春水。鳥帶餘霞沒遠山。好景總收詩句裏。舊游重
到畫圖間。黃頭莫訝歸舟緩。坐聽鶯聲未肯還。

天中節荏平道中

碧艾紅榴照眼新。征車初駐響鄰鄰。遙知故國逢
佳節。合對清樽憶遠人。雨裏看花愁寂歷。客中沽
酒醉逡巡。去年今日江亭好。彩鷁朱旛競渡頻。

夜泊聞歌

風螢閃閃岸花香。少泊沙頭愛晚涼。忽聽隣舟歌
水調。始知今夜客他鄉。

張貽清

字景揚號玉壺寶山人有菊泉未定草

銅雀瓦歌

銅雀高臺接漳浦。十里朱甍覆春雨。朝攜愛子劇
彈棋。暮擁妖姬教歌舞。回首西陵起暮煙。分香買
履幾何年。千門萬戶俱零落。空與詞人作硯田。

金

珏

字翊庭一字亦亭秀水人附監生有小西山房吟稿

采蓴曲

紅蓼花開間白蘋。湘湖湖水水粼粼。郎撐湖上棹
頭艇。妾采湖中雉尾蓴。

其二

千頃平波滑笏光。鱸鄉足戀更蓴鄉。背蓬圓笠阿儂慣。不怕西風滿野塘。

其三

蓴葉蓴絲傍水生。攜來當飯作香羹。郎心恐似蓴絲滑。妾意爭如蓴葉輕。

其四

朝朝湖畔足生涯。摘得香蓴酒可賒。日暮扁舟歸渡口。竹扉兩板是儂家。

錢

穀字有年一字酉巖寶山人有南行叢稿二酉山房集

獨鳥

獨鳥何為者。斜陽不住飛。早棲情未穩。高舉力猶微。天濶雲容澹。秋空木葉稀。稻梁謀已左。莫漫蹈危機。

翁應龍

字翼升一字滌川寶山人諸生有敬業樓吟稿

瀘州題楊升菴先生小像

牢騷何處洩。玩世學清狂。自具風流格。因成別樣粧。紅顏堪破涕。綠酒慰離腸。歷徧江陽市。滿城粉澤香。

嚴

錦字文江號嶠山寶山人有海粟樓集

鄧尉

湖上層山翠作屏。新晴倚遍萬峰亭。一時春色環
元墓。千里濤聲起洞庭。大地香雲搖白雪。諸天花
雨亂青冥。却疑盡日登臨處。身在羅浮醉未醒。

鸚鵡

愁雲望斷隴山隈。芳草洲邊首重回。獨有謝郎能
作賦。何曾黃祖解憐才。翠衿短盡西風冷。紅豆啣
殘南國哀。自古聰明只如此。雕籠玉鎖幾時開。

蔣一元

字復天。號西堂寶。山人有卧雪齋稿。

班婕妤

秋草侵玉階。秋風棄紈扇。愁聞歌吹聲。偏近昭陽

殿。

秦淮雜詩

玉樹歌殘事已非。雲闌水榭冷苔磯。惟餘一片青
溪月。曾照當年江令歸。

其二

小閣傳觴漏正遲。清淮煙月自迢迢。空將六代繁
華夢。分付樽前碧玉簫。

其三

丁字簾前薄靄收。板橋風景入新秋。輕煙淡粉今
何處。莫問前朝十四樓。

其四
一曲霓裳夜不眠。梨園最憶阮家編。笑他枕上陰符秘。只有春燈燕子箋。

金世瑜

字懷庭一字槐亭號雲秋寶山人國學生有聽雨軒不掩齋諸集

村居雜興

一徑濃陰合。翛然物外居。堦除馴鳥雀。几榻擁琴書。種菜攜長鑿。鈔詩付小胥。幽棲吾計得。世路信崎嶇。

其二

滄江堪獨眺。策杖自閑行。遍野看挑薺。沿村叫賣

餉。柳塘春水漲。竹徑午風清。布穀催農事。空林不住鳴。

其三

生事何須問。幽情托水涯。苔階芟惡草。藥砌種名花。廚薦紅蓮飯。爐烹紫筍茶。閑居風味好。不愛走東華。

其四

地偏人跡少。只合卧煙蘿。對客傾懷抱。當盃起嘯歌。燕飛迎落絮。魚躍動新荷。素有扁舟興。偷閑織雨簑。

王鵬飛

字達陽
嘉定人

秋日登虞山

半峙郊原半入城。高秋獨眺寄閑情。千年龍跡雲常護。十丈泉聲石共清。墨井東吳常被澤。劍門西蜀欲齊名。仙人更有慧車子。何日相從採藥行。

苔岑集卷十一

